



Broj: 03/1-50-14-7-41/18

Sarajevo, 6. 2. 2018.

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

Б

Priloga	06-02-2018	broj	datum

## ZAPISNIK

### 41. sjednice Zajedničke komisije za odbranu i sigurnost BiH, održane 15.1.2018., od 13,00 do 14,00 sati

Sjednicu Zajedničke komisije za odbranu i sigurnost BiH sazvaо je predsjedavajući Zajedničke komisije Sifet Podžić.

Sjednici su prisustvovali sljedeći članovi Zajedničke komisije: Sifet Podžić, Borjana Krišto, Darko Babalj, Mario Karamatić, Hanka Vajzović, Hazim Rančić i Šemsudin Mehmedović.

Odsustvo sa sjednice opravdali su: Fahrudin Radončić, Borislav Bojić, Ognjen Tadić i Bariša Čolak, a odsustvovala je i Dušanka Majkić.

Sjednici su prisustvovali i gosti, kao i predstavnici službi Parlamentarne skupštine BiH:

- Marina Pendeš, ministrica odbrane BiH,
- Sead Jusić, zamjenik ministrice odbrane BiH,
- Boško Šiljegović, parlamentarni vojni povjerenik BiH,
- Niko Duvnjak, savjetnik predsjedavajuće PDPSBiH,
- Aida Kreho, Zakonodavno-pravni sektor PSBiH,
- Zoran Brkić, Sektor za odnose s javnošću Sekretarijata PSBiH,
- Svetlana Miović, PSBiH,
- Zumra Mališević, stručni savjetnik, Generalni sekretarijat VMBiH,
- Željko Grubešić, stručni savjetnik u Zajedničkoj komisiji za odbranu i sigurnost BiH,
- Jelena Despot, politička savjetnica u OHR-u,
- Sanja Čatibović, Misija OSCE-a u BiH,
- Almedina Karić, IRI,
- Semira Degirmendžić, Dnevni avaz,
- Željka Domazet, Glas Srpske.
- Bernard Milošević, SRNA.

Predsjedavajući Zajedničke komisije upoznaо je članove s predloženim dnevnim redom.

Šemsudin Mehmedović predložio je da se, u okviru tačke dnevnog reda „Razno“, raspravlja o informacijama koje su se mogle pročitati u medijima, a odnose se na paravojnu formaciju

pod nazivom „Srbska čast“. Zatražio je od članova ZK za odbranu i sigurnost BiH da se izjasne o tome da se od Ministarstva sigurnosti BiH zatraži informacija o toj i eventualnom postojanju drugih paravojnih organizacija na prostoru Bosne i Hercegovine jer su građani uznemireni.

**Mario Karamatić** podržao je inicijativu Šemsudina Mehmedovića te je tražio da se informacija o eventualnom postojanju paravojnih organizacija u BiH dopuni i informacijom o aktivnostima udruženja građana ili paravojne organizacije „Patriotska liga“ koja se oglašava oko najavljene posjete predsjednice Republike Hrvatske Kolinde Grabar-Kitarović Bosni i Hercegovini.

**Hazim Rančić** naglasio je da principijelno podržava traženje svake informacije od nadležnih institucija o stanju sigurnosti u BiH te eventualnom djelovanju i postojanju paravojnih organizacija. Smatra da udruženje građana „Patriotska liga“ nije paravojna organizacija, a želio bi imati informaciju nadležnih institucija o djelovanju organizacije „Noćni vukovi“ te njihovom djelovanju u Ukrajini. Interesira ga način na koji se tužilaštva, policijske i sigurnosne agencije nose s informacijama o eventualnom djelovanju paravojnih organizacija.

**Darko Babalj** istakao je da se principijelno zalaže za to da se dobiju informacije o svim pravovojnim organizacijama koje djeluju na teritoriji BiH. Vjeruje da nadležne institucije rade svoj posao te da ne treba dozvoliti da nas priče o postojanju i djelovanju paravojnih organizacija vode u prošlost.

**Borjana Krišto** insistirala je na tome da se od nadležnih institucija traže redovno i bez bilo kakve zadržke informacije o stanju sigurnosti u BiH. Prije svega, zbog sigurnosti građana jer, ako postoje bilo kakve prijetnje, članovi ZK za odbranu i sigurnost BiH to moraju znati i u skladu s informacijama nadležnih preduzeti daljnje mjere.

**Hanka Vajzović** podržala je zahtjev da se što prije dobije informacija od Ministarstva sigurnosti BiH o stanju sigurnosti te eventualnim saznanjima o djelovanju paravojnih organizacija.

**Sifet Podžić** predložio je članovima ZK sljedeći zaključak:

1. Obavezuje se Ministarstvo sigurnosti BiH da, u saradnji s nadležnim policijskim i sigurnosnim agencijama, do 24.1.2018. dostavi informaciju Zajedničkoj komisiji za odbranu i sigurnost BiH o saznanjima o eventualnom postojanju i djelovanju paravojnih i parapolicijskih struktura na prostoru BiH kao i o njihovim eventualnim prijetnjama po sigurnost građana i države BiH.

Nakon dostavljanja informacije, bit će obavljena rasprava i odlučeno o predizimanju daljnjih koraka.

**Članovi Zajedničke komisije jednoglasno su usvojili predloženi zaključak.**

Komisija se potom izjasnila o dnevnom redu 41. sjednice Zajedničke komisije koji je predložio predsjedavajući Komisije Sifet Podžić, te je, sa sedam glasova „za“, usvojen sljedeći

#### DNEVNI RED

1. Prijedlog zakona o izmjeni i dopunama Zakona o nezavisnim i nadzornim tijelima policijske strukture BiH, prvo čitanje (predlagač: Vijeće ministara BiH, akt broj: 01,02-02-1-1752/17, od 14.11.2017.);
2. Godišnji plan obuke i vježbi pripadnika i jedinica Oružanih snaga Bosne i Hercegovine u inozemstvu za 2018. godinu, informacija (Ministarstvo odbrane BiH, broj: 03/1-03-2799/17, od 1.12.2017.);
3. Izvještaj o radu Zajedničke komisije za odbranu i sigurnost BiH za 2017. godinu (materijal Zajedničke komisije);
4. Orijentacioni radni plan Zajedničke komisije za odbranu i sigurnost BiH za 2018. godinu (materijal Zajedničke komisije);
5. Obavještenje o isteku mandata parlamentarnog vojnog povjerenika (materijal parlamentarnog vojnog povjerenika, broj: 05/3-03-2523/17, od 24.10.2017.);
6. Razmatranje materijala sa oznakom „povjerljivo“ (broj: P-POV-07-03-10-9-100/17, od 24.10.2017.).

**Ad.1. Prijedlog zakona o izmjeni i dopunama Zakona o nezavisnim i nadzornim tijelima policijske strukture BiH, prvo čitanje (predlagač: Vijeće ministara BiH, akt broj: 01,02-02-1-1752/17, od 14.11.2017.)**

Sifet Podžić je u uvodnom dijelu naglasio da je Vijeće ministra BiH 14.11.2017. dostavilo Parlamentarnoj skupštini BiH Prijedlog zakona. Kolegiji Predstavničkog doma i Doma naroda PSBiH odredili su Zajedničku komisiju za odbranu i sigurnost BiH kao nadležnu komisiju za razmatranje Prijedloga zakona. Ustavnopravna komisija PDPSBiH je na 55.sjednici razmatrala Prijedlog zakona i utvrdila da je usklađen sa Ustavom BiH i pravnim sistemom BiH. Isto tako, naglasio je da se vodi rasprava o principima Prijedloga zakona.

Hanka Vajzović naglasila je da Prijedlog zakona neće podržati zato što misli da je u pitanju „glancanje“ i da to suštinski neće ništa promijeniti.

*Nakon opće rasprave, s četiri glasa „za“, jedan glas „suzdržan“ i dva glasa „protiv“, Komisija:*

1. nije prihvatila principe Prijedloga zakona;
2. ponuđeni tekst Prijedloga zakona uputila je u daljnju zakonodavnu proceduru.

**Ad.2 Godišnji plan obuke i vježbi pripadnika i jedinica Oružanih snaga Bosne i Hercegovine u inozemstvu za 2018. godinu, informacija (Ministarstvo odbrane BiH, broj: 03/1-03-2799/17, od 1.12.2017.)**

Sifet Podžić je u uvodnim napomenama naglasio da je Ministarstvo odbrane BiH dostavilo Parlamentarnoj skupštini BiH Godišnji plan obuke i vježbi pripadnika i jedinica Oružanih snaga BiH u inozemstvu za 2017. godinu, akt broj: 03/1-03-2799/17, od 1.12.2017. Vijeće ministara BiH razmatralo je navedenu informaciju i obavezalo Ministarstvo odbrane BiH da predmetnu informaciju dostavi Predsjedništvu BiH i Parlamentarnoj skupštini BiH na razmatranje. Predsjedništvo BiH razmatralo je i primilo k znanju Informaciju o Godišnjem planu obuke i vježbi pripadnika i jedinica Oružanih snaga BiH u inozemstvu za 2018. godinu.

Šemsudin Mehmedović iznio je podatak da pojedini pripadnici OSBiH, koji su bili upućeni na obuke u inozemstvo, nose na uniformama nepropisne oznake i obilježja. Smatra da je to nedopustivo jer primjeri iz Republike Grčke, Republike Srbije i Republike Hrvatske govore o tome da su pojedini pripadnici OSBiH, koji su pohađali određene kurseve i škole, nosili nepropisna obilježja, što nanosi ogromnu štetu ugledu zemlje i nije u skladu sa Zakonom o službi u OSBiH.

Sifet Podžić naglasio je da su zakonska rješenja, kao i pravilnici kojima se regulira pitanje nošenja uniforme, potpuno jasni. Neophodno je uvažavati sporazume koji se potpisuju tokom slanja pripadnika OSBiH na školovanje u inozemstvo.

Marina Pendeš naglasila je da pitanje nošenja obilježja na uniformama nije predmet rasprave i da nije u skladu s dnevnim redom. Obećala je da će provjeriti o čemu se radi, te da će, ako bude tako kako je rekao Šemsudin Mehmedović, preduzeti mjere u skladu sa zakonom.

*Nakon rasprave, članovi Zajedničke komisije jednoglasno su:*

- a) primili k znanju Godišnji plan obuke i vježbi pripadnika i jedinica Oružanih snaga Bosne i Hercegovine u inozemstvu za 2018. godinu,
- b) uputili navedeni akt domovima Parlamentarne skupštine BiH u daljnju parlamentarnu proceduru.

**Ad.3. Izvještaj o radu Zajedničke komisije za odbranu i sigurnost BiH za 2017. godinu (materijal Zajedničke komisije)**

Sifet Podžić je u uvodnim napomenama naglasio da je, u skladu s odredbama poslovnika oba doma PSBiH, Zajednička komisija sačinila Prijedlog izvještaja o radu Zajedničke komisije za odbranu i sigurnost BiH za 2017. godinu. Članove ZK ukratko je upoznao sa sadržajem Izvještaja kojim je dat potpuni pregled aktivnosti predstavnika Zajedničke komisije tokom prošle godine.

*Pošto nije bilo rasprave o Prijedlogu izvještaja, članovi Zajedničke komisije jednoglasno su:*

- a) usvojili Izvještaj o radu Zajedničke komisije za 2017. godinu te ga uputili u daljnju parlamentarnu proceduru s prijedlogom za usvajanje.

**Ad.4. Orijehtacioni radni plan Zajedničke komisije za odbranu i sigurnost BiH za 2018. godinu (materijal Zajedničke komisije)**

Sifet Podžić je u uvodnim napomenama naglasio da je, u skladu s odredbama poslovnika oba doma PSBiH, Zajednička komisija sačinila Prijedlog orijentacionog radnog plana Zajedničke komisije za odbranu i sigurnost BiH za 2018. godinu. Članove ZK ukratko je upoznao sa sadržajem Orijehtacionog radnog plana.

*Pošto nije bilo rasprave o Prijedlogu orijentacionog radnog plana, članovi Zajedničke komisije jednoglasno su:*

- b) usvojili Orijehtacioni radni plan Zajedničke komisije za odbranu i sigurnost BiH za 2018. godinu te ga uputili u daljnju parlamentarnu proceduru s prijedlogom za usvajanje.

**Ad.5. Obavještenje o isteku mandata parlamentarnog vojnog povjerenika (materijal parlamentarnog vojnog povjerenika, broj: 05/3-03-2523/17, od 24.10.2017.)**

Sifet Podžić je u uvodnom dijelu naglasio da je parlamentarni vojni povjerenik BiH, svojim aktom broj: 05/3-03-2523/17 od 24.10.2017., obavijestio predsjedavajućeg Zajedničke komisije za odbranu i sigurnost BiH da mandat parlamentarnog vojnog povjerenika ističe 22.11.2017.

Podsjetio je na to da Zajednička komisija, u skladu sa Zakonom o parlamentarnom vojnom povjereniku BiH, upućuje obavještenje o isteku mandata zakonskim predlagачima kandidata za parlamentarnog vojnog povjerenika.

Uzimajući u obzir stav (2) navedenog člana Zakona o parlamentarnom vojnom povjereniku BiH, predsjedavajući Podžić naglasio je da će svim poslaničkim klubovima i klubovima delegata u Parlamentarnoj skupštini BiH, kao i članovima Zajedničke komisije za odbranu i sigurnost BiH biti upućen dopis da, u svojstvu ovlaštenog predlagачa, dostave svoje prijedloge za poziciju parlamentarnog vojnog povjerenika Zajedničkoj komisiji za odbranu i sigurnost BiH u roku od 15 dana.

*Pošto nije bilo rasprave, članovi Zajedničke komisije jednoglasno su odlučili da:*

- a) se, u skladu sa Zakonom o parlamentarnom vojnom povjereniku BiH, uputi dopis članovima Zajedničke komisije za odbranu i sigurnost BiH, klubovima poslanika u Predstavničkom domu i klubovima delegata u Domu naroda koji se u roku do 15 dana trebaju izjasniti o prijedlozima kandidata za tu poziciju.

**Ad.6. Razmatranje materijala sa oznakom „povjerljivo“ (broj: P-POV-07-03-10-9-100/17, od 24.10.2017.)**


Sifet Podžić naglasio je da je materijal za ovu tačku dnevnog reda, zbog povjerljivosti, bio dostupan isključivo kod sigurnosnog službenika Parlamentarne skupštine BiH, kako je i naglašeno u pozivu.

Nakon rasprave, Zajednička komisija je dostavljene materijale, zajedno s predloženim zaključcima:


- a) usvojila,
- b) dostavila mišljenje domovima Parlamentarne skupštine BiH.

Sjednica je završena u 14 sati.

Zapisnik sastavio  
Željko Grubešić



Predsjedavajući Komisije  
Sifet Podžić



Dostavljeno:

- naslovu
- a/a